

KERATAN AKHBAR

TARIKH : 5 SEPTEMBER 2025

AKHBAR : BERITA HARIAN

MUKA : 25
SURAT

Bank Negara Kekalkan OPR pada 2.75 peratus



Bank Negara kekalkan OPR pada 2.75 peratus
Ekonomi dijangka berkembang 4 hingga 4.8 peratus tahun ini disokong permintaan domestik berdaya tahan

Oleh Alzahrin Alias
zahrin@bh.com.my

Bank Negara Malaysia (BNM) menerusi Jawatankuasa Dasar Monetari semalam memutuskan untuk mengekalkan Kadar Dasar Semalaman (OPR) pada 2.75 peratus.

Bank pusat itu dalam satu kenyataan berkata, ekonomi Malaysia berkembang sebanyak 4.4 peratus pada separuh pertama 2025, disokong oleh aktiviti perbelanjaan dan pelaburan yang berterusan, dan dijangka berkembang antara 4 hingga 4.8 peratus pada tahun ini.

Menjelang 2026, ia berkata pertumbuhan akan terus disokong oleh permintaan dalam negeri yang berdaya tahan.

Menurut, pertumbuhan domestik akan kekal sederhana dan stabil, dengan inflasi kekal sederhana berikutan keadaan kos domestik yang terkawal.

"Sementara itu, hasil yang kekal menyokong perbelanjaan isi rumah.

BNM berkata, pengembangan aktiviti pelaburan akan didorong oleh kemajuan projek berbilang tahun yang dilaksanakan dalam sektor swasta dan awam, lebih banyak pelaksanaan berterusan pelaburan yang telah diluluskan, serta inisiatif pemangkin yang terus dilaksanakan di bawah beberapa pelan induk nasional dan Rancangan Malaysia Ke-13 (RMK13).

"Prospek ini kekal tertakluk pada ketidakpastian, khususnya berhubung dengan perkembangan global. Risiko prospek pertumbuhan menjadi perlahan kekal berpunca daripada perdagangan global yang lebih perlahan, sentimen yang lebih lemah serta pengeluaran domestik yang lebih rendah.

"Trend ini dijangka berterusan pada 2026. Dalam persekitaran ini, kesan keseluruhan langkah pembaharuan dasar dalam negeri yang telah dan akan diumumkan terhadap inflasi dijangka terkawal," katanya.

BNM menambah, pada tahap OPR semasa, MPC berpendapat bahawa pendirian dasar monetari adalah wajar dan memberikan sokongan terhadap ekonomi dalam keadaan harga yang stabil.

"MPC akan terus memantau perkembangan semasa dan menilai imbalan risiko berhubung dengan prospek pertumbuhan dan inflasi dalam negeri," katanya.

Di luar negara, BNM berkata penunjuk terkini menunjukkan pengembangan yang berterusan dalam pertumbuhan global, disokong oleh perbelanjaan pengguna yang berterusan dan aktiviti yang dilakukan lebih awal.

Katanya, penyelesaian sebahagian daripada rundingan perdagangan telah membantu meredakan ketidakpastian global.

"Prospek pertumbuhan global dijangka terus disokong oleh keadaan pasaran pekerja yang positif, dasar monetari yang kurang ketat dan rangsangan fiskal.

"Walau bagaimanapun, perkembangan dasar perdagangan masih dijangka mempengaruhi pertumbuhan global pada masa hadapan, apabila kadar tarif yang diumumkan berkuat kuasa dan aktiviti yang dilakukan lebih awal berkurang," katanya.